


'Kitchen Blessings' exposicion di Elisa Lejuez

DAKOTA – Recientemente e famoso artista local Elisa Lejuez-Peters, a habri un exposicion nobo den un di Aruba su casnan unico y di hopi historia, awo conoci manera un galeria di arte y tienda pa diseñonan pa interior, 'Het Binnenhuys'. Lejuez, kende a presenta su obranan na nos hermana isla Curacao pa tres exposicion anterior, a sorprende e audiencia un biaha mas. Un bibo y colorido exposicion cu el a yama 'Kitchen Blessings' ta e resultado di su ultimo

inspiracion artistico.


E inspiracion pa 'Kitchen Blessings' a desaroya mientras cu Lejuez tabata decorando su cas nobo na Aruba. 'Mi a wak rond den mi cas y basicamente cada camber te hasta pafu tabata in arte, excepto e cushina. Y pakico no colga arte den cushina? No compronde mi robes, e obranan di arte nobo aki no ta traha exclusivamente pa colga den cushina. MI a solamente enfoca riba e area specifico aki den mi cas y for di eyan a sali cofi, galiña, lechi y baca', Elisa a splica.

'Het Binnenhuys' no solamente ta un mansion bieu cu a word renoba den su Gloria anterior, completamente cu su glasan di color y mosaic nan antigua haci pa 'True Island Class', tambe e ta un tienda cu a wordo habri recientemente pa diseñadora interior renombra internacionalmente Karin Martens. Ora cu Elisa Lejuez-Peters a yega pa su prome bishita el a keda impresiona pa e concepto di e luga. 'Het Binnenhuys' tambe



ta un galeria di arte, nan ta gusta traha y participa den e escena local di arte y di e manera aki sostiene y stimula artistanan local. Nan ta ofrece pintura, obhetonan, estatua y hoyas. Y varios diseño tentativo, figura y textura

di tayo y cosnan di glas a caba di yega. Un idea nobo a nace, un liña completamente nobo di arte inspira pa loke cu e arte tabata haci Karin Martens sinti. Decoracion di Arte. No mescos e otro



galerianan, na unda cu e arte ta wordo exhibi riba su so, e bibo y colorido serie di arte yama 'Kitchen Blessings' ta rondona cu obhetonan y cosnan den 'Het Binnenhuys', mescos cu abo lo por tin na cas. Esaki lo por inspira bo tambe. Bay y wak pa bo mes. Nan ta habri di diamars pa diasabra di 10or te 5or sin stop.